



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 19. Per totam Guairaniam res turbantur.

urn:nbn:de:hbz:466:1-38528

*Captivorum
miseria.*

*Sociorum
Paulopolita-
norum bene-
ficiaria.*

CAPUT
XIX.
*Per totam
Guairaniam
resturban-
tur.*

*Societas in-
sufficienciam
adducitur.*

se purgat.

*Guiravera
sufficiences
dissipat.*

Vidisses in ipsa multitudine adolescentes matribus suis, matres filiis, filios patribus, uxores maritis onustos: & passim maritus uxori filiolum humeris gestanti succollabat. Si quis fugam intentaret, vi retractus crudeliter vapulabat; nec cuiquam impunè licitum erat apud patrem matremque, præ infirmitate in via deficientes, remanere: sed quo quisque loco fatiscebat, eodem solus cogebatur mori. Ab amplexu morientis filii mater paterque avellebantur, & ne soror fratri morienti oculos clauderet, violenter prohibebatur. Matribus mortuis, proles defecūt laetis, aut peribat, aut ægrè sustentabatur: ejusmodi infantem Socii longo post multitudinem intervallo repertum, priùs baptizatum humeris suis ad castra Mamalucorum retulere, cui, nequicquam renitentibus latronibus, nutricem invenire. Superatis tandem ærumnissima & longissima viæ laboribus Piratiningam delati, luculenter & amicè ab Collegi Paulopolitani Sociis excepti sunt. Et quia in ipsa prædonum patria remedium desperabant, terrâ mariquæ ad Januariensem portum perrexerè: ubi quid egerint, quid ab Brasilia Prætore, quid ab Senatu, quid ab aliis impertrarint, quomodo inde redierint, cùm res hujus anni reliquias evolverim, dicere in animo est. Mamaluci Piratiningam, nono ab discessu mense, cum quindecim captivorum millibus reiecti prædami inter se diviserunt, uno ore satentes, nullibi se felicius & numerosius prædatos fuisse.

PORRÒ Guairania recenti clade concussa miserè jaclabatur, & pravis consiliis suspicionibusque collidebatur: nam Neophytorum Catechumenorumq; quām plurimi existimabant, eo fine ab Societate in colonias se redigi, quò facilius Mamaluci traderentur, passim aientes non esse fidem adhibendam iis, qui toties asseruerant, Mamalucos illis tantum infestos fore, qui Christo nomen & Hispano Regi non dedissent: plus æquò se esse expertos, utriusque esse noxios: & si præterita perpendantur, plus periculi inesse in oppido coactis, quām hinc inde per sylvas dispersis: post adventum Patrum plures uno die, quām multis tētrò annis, Mamalueorum armis periisse. *Quid, inquietant, hos Patres sequimur? num satis mortium, num satis vinculorum vidimus? quid nos scitis lacrymis decipi sinimus?* Patres se dicunt, ut benevolentia specie deceptos nostris nos hostibus tradant. *Patribus erubrum cum Mamalucis consilium est, idemq; utrorumque finis: nos & patriam magno metu liberabimus, si domesticum hostem perdamus.* Auxit suspicionem fama, quā cerebatur, multos sylvestres Ethnicos insignem cladem Mamalucis intulisse. Igitur nonnulli capabant facinoris patrandi occasiones. Socii contrà, sui purgandi cauas in vulgo ubique spargentes, vetera & recentia Societatis in gentem universam beneficia refrebant: aiebantque, jus Indorum etiam cum astimationis & bonorum jaclura contra malevolos constanter defensum. Villaricanis authores fuisse, ne Guairaniae populis graves esse vellent. Multas leges ab Rege Catholico in Indorum favorem, adiutante Societate, latae esse & promulgatas. In perniciem suam cœcos omnes ruituros, ni Sociorum consilio regerentur. Indignum esse malè suspicari de iis, quos vidissent, spretā corporum salute, per tot tētrò annos suis animis corporibusque fuisse utiles. Præterea singuli sua merita recensabant, Ruius, Cataldinus, Diastanus, Salazarius, Mendoça, Spinosa, Bennavidius, Mola, spretam sepiùs abs se mortem ob Indorum salutem, diu noctuque ad omnium nutum semper se paratos fuisse, nullas itinerum difficultates subterfugisse, nullum laborem renuisse. Sed ad hanc Barbari, impetu magis quām ratione regibiles, ferociam potius quām confidentiam ostentabant, rationum acervum novum dolum interpretantes. Periculum itaque in portis erat, cùm Guiravera è captivitate Simonis Maçetae beneficio redux repentinus advenit, qui ut traductam suspicionibus Societatis famam cognovit, excondescens: *Quid, inquit, ô populares mei, IESV Socios Guairaniae servatores per nefas falsis opinionibus opprimitis?* Simon Maçeta, ut me vinculis exueret, illis se se induit, tamdiu prædonibus supplex minaxq; donec liberum me vobis restitueret. Comite Vansurkio libertatem nostram procuratus, cauturusq; ne quid hostes in nos deinceps audirent, in Brasiliam proficiscitur. Plus profuit recens & palpabile exemplum, quām rationum pondus, & Guiravera per Guairanię dissipatus excurrentis suspicionum

maculas

maculas utcumque abstulerit. Sed Villaricæ res turbidæ erant, nam nonnulli cives, conatu temerario, ausi sibi vindicare eos fuerant, qui ex Sancti Antonii oppido è Mamalucorum manibus evaserant. Cui rei, ne novatum suspicionum motivum esset, obnitendum Patres censuerunt. Sed tamen inter has turbas maximè deplorandum fuit, quod Prætor Guairaniam, Provinciæ suæ præcipuam partem, in tanta calamitate necessario subsidio destituerit.

Post discessum Prætoris, Franciscus Diastanus apud Nivatinguienses pro negotio divertens, ingens malum toti Incarnationis oppido magno ceteræ Guairanæ bono detexit. Rem breviter exequat. Incarnationis oppidanæ quondam Antropophagi, Christophori Mendoça industria ita mores mutarant, ut sequimille familiæ recenter reductæ nihil à veteribus Neophytis differre viderentur. Verum inter turbamenta surgentis belli, dæmon quorundam ariolorum animos sollicitans eò rem deduxit, ut ab ingressu templi abhorterent, sermones de rebus Divinis audire nollent, Ethnicos & infantes, ne baptizarentur, absconderent, Cruces evitterent, &c., quod ante in deliciis erat, Sociorum aspectum fugerent: denique apud plerosque omnia pietatis officia ita frigebant, ut omnium judicio aliud populus, quam paulò antè fuerat, & ad antiquam feritatem rediisse, videretur. Dolebat Diastanus lætissimum Evangelii agrum, tot sudoribus excultum, ex feracissimo squalidum ac sterilem factum; cumque causam diu frustra indagasset, ab adolescenti domi educato præter spem totam rem cognovit. Is enim narravit ariolorum id opus esse, quibus dæmone monitore Cruces omnes ludibrio essent: maximam partem Incarnationis incolarum eorum præstigijs dementaram; duo fara ab iis in montium summitatibus constructa, quod confluenter omnis ætatis & conditionis viri fœminæque: in utroque fano ex ariolorum olim mortuorum cadaveribus dæmones oracula, quælia solent, reddere: iis colendis Sacrificulos ex utroque sexu creatos: ipsos oppidi æditios, & Christianæ catechesi præfectos, maleficio esse infectos, & alios inficere: nihil ibi sacrilegi, nihil in Christum injuria prætermitti. Hanc summam inter initiatos religionem esse, vitos velut mente capti cum jactatione phanatica corporis vaticinia expetere: fœminas crinibus passis perpetuum ignem in dæmonis honorem fovere. Nefas esse ossa ariolorum, quæ carnem denuo induisse mentiebantur, manu contingere. Diebus Dominicis & festis eò tantummodo concurri, eo fine, ut Christianæ conciones & sacra destituerentur. Peractum indicium Diastanus ad Ruisum & alios Socios retulit, quos ingens timor cepit, ne ea principia magnum malum ceteræ Guairanæ importarent. Decretum itaque est, ut hinc Antonius Ruisius & Christophorus Mendoça, illinc Franciscus Diastanus & Josephus Domeneucus, quanto possent silentio, ad fana comburenda, castigandosque mali authores, pergerent. Rebus sic ordinatis, intemperâ nocte, confecto Sacrificio, indicibus & selectis Neophytis comitati, per tenebrosa loca iter artipiunt. Diastanus & Domeneucus sub ortum Solis ad unum è fanis opinione celerius delati, reperire omnia cum indicis quadrare: nam illud amplum erat, & intus arioli cadaver in secreta templi parte, lesto è duabus columnis pensili impositum, multis sindonibus involutum, & versicoloribus plumis ornatum, sumimè ceremoniâ ac religione colebatur. Foris ædiculae plurimæ, quibus promiscue sua jejunia & debacchationes initiati celebrabant: è templi tholo pendebant innumera dæmoni anathemata, qui vicissim suos cultores vanis mendaciorum delitiis ad insaniam usque dementabat. Cum vero Franciscus Diastanus exquireret, ecquæ solerent dæmones ex his ossibus effutire; comperit nihil illis magis in ore esse, quam bonum nomen Societatis infamare; crebro asseri, IESU Socios Indorum tuinam per speciem pieratis querere; eosdem pestem manu facere. Cavendum ab sale exorcistato, cui præsentissimum venenum iuisset: fugienda tanquam à peste Societatis tempora, sua vero frequenta: IESU Socios Deos quidem esse, sed sui comparatione multò minores, sibi quæ subditos. Diastanus & Domeneucus debitum soli Deo cultum putrido ariolorum cadaverti non ferentes, Divino zelo incensi factilegum stratum suis manibus perturbant; turpia anathemata & ornamenta refugunt; prætentis facibus inane

CAPUT

XX.
Loquacia
Ariolorum
offa vene-
rationi sub-
ducuntur.

Incarnationis
oppidanæ
perver-
sus.

Indicium
perver-
sus.

Fanum Ari-
lorum.